



Nivi Olsen  
Inatsisartunut ilaasortaq, Demokraatit

### § 37 naapertorlugu apeqqummut akissut – nr. 39/2021 GUX Ilulissat pillugu

31-05-2021  
Sagsnr. 2021 - 9817  
Akt nr. 16826618

Asasara Nivi Olsen,

Postboks 1029  
3900 Nuuk  
Tlf: +299 34 50 00  
Email: [ikin@nanoq.gl](mailto:ikin@nanoq.gl)  
[www.nanoq.gl](http://www.nanoq.gl)

Qujanaq, Inatsisartut suleriaasiat malillugu apeqqutinnut. Apeqqutit ataani akissavakka.

#### **Apeqqut 1: Naalakkersuisut sulissutigerusuppaat, Ilulissani GUX immikkoortortaqaalissasoq?**

**Akissut:** Naalakkersuisut Ilulissani GUX immikkoortortaqaalernissaanut pilersaaruteqanngillat.

#### **Apeqqut 2: Ilulissani GUX-imik pilersitsineq ingerlatsinerlu qanoq akeqassava?**

**Akissut:** Ilulissani ilinniarnertuunngorniarfimmik atuarfiliormi nalilerneqarpoq minnerpaamik tallimanut avitaasunut klasse-nut 15-inut, ukioqatigiiaanut pingasunut avinneqarsimasunut pisariaqartinneqassasoq. Ilimagineqarpallu, klasse-t tamarmik 24-nik ilinniartoqassasut, taava atuartitsivinnik atuartunut 360-inut pisariaqartinneqassaaq. Tamannalu naatsorsorneqarpoq, sanaartornermi, atuarfimmik taama angitigisumik inissaqartitsineq 5.000 m<sup>2</sup>-isut annertussuseqarnissaa akeqassallunilu 229.008.000 kr. Tassunga ilanngullugu nalilerneqassaaq, Ilulissani sanaartornermik taama annertutigisumi sumi inissaqarnersoq.

SPS Ilulissat ilinniartunut 160-it missaannut inissaqartitsivoq, tamarmillu atornerqarput. Taamaattumik ilinniarnertuunngorniarfimmik nutaamik sanaartornissaq pisariaqassalluni. Ilinniartut 225-t missaat eqqartorneqarput, ilinniartut inaannik pilersitsivigineqartussat. Pisariaqartitsinerup nalilersorneqarnera naapertorlugu ilinniartullu inaannut sektorplan malillugu ilinniartorpasuit ilinniarnertuunngorniarfimmittut ilinniartuupput ilaqutaqartut. Taamaalilluni inissiat ilaatigut 2-3 aamma 4-nik initallit pisariaqartinneqarput. Ilinniartut inaannik sanaartukkat 14-16-it eqqartorneqarput. "tnt nuuk a/s" malillugu sanaartorneq 568.613.682 kr.-imik akeqassangatinneqarput.

Aningaasartuutit tamakkerlugit minnerpaamik 797.621.682 kr.-inut nalilerneqarput.

Tassunga ilanngullugu naatsorsuutigineqarpoq, aqutsinermi aningaasartuutit minnerpaamik ukiumut 27.750.000 kr.-inissaat.

Taamaalilluni eqqoriarneqarsinnaavoq, Ilulissani ilinniarnertuunngorniarfimiittussat Aasianni ilinniarnertuunngorniarfimit amerlatiginissaat. GUX Aasiaat ullumikkut ilinniarnertuunngorniarfiuvoq arfineq marlunnt aqputinut avinneqarsimasoq ilinniartunullu 500-nut inissaqartoq, taakkunannga 360-t Ilulissanut nuutinneqarpata taamaallaat 140 ilinniartut sinnerutissapput = ilinniarnertuunngorniarfik aqputinut marlunnt avissimasoq. Taamaalilluni GUX ilinniarnertuunngorniarfik 140-nut atuartunut ingerlanneqarsinnaajunnaassaaq.

Qulaani allasimasut malillugit nalilerneqarpoq, Aasianni ilinniarnertuunngorniarfiup atorunnaarseriarlugu Ilulissani nutaamik sanaartorneq imminut akilersinnaanngitsaq.


***Apeqput 3: Naalackersuisut periarfissatut isigaat GUX Aasiaat Ilulissani immikkoortortaqalernissaa?***

**Akissut:** Ilinniarnertuunngorniarfiit arlalinnut aqputillit amerlanernillu ilinniartullit qulakkeerinneqataapput, ilinniarnertuunngorniarfiit siammasissumik qinigassaqlutillu ilinniakkatigut sammiveqarnissaannut ilinniakkap pitsaasumik kissaatigineqarnera malillugu. Tamanna naammassinninnissamik qulakkeerinneqataavoq ilinniartunullu atuagarsornikkut ineriartortitseqataalluni. GUX Aasiaat maannakkutut isikkoqarnera aggulussagaanni atuagarsornikkullu minningortissagaanni ilinniartukinninngortissaaq. Atuaqatigiikkuutaat minnerit ilinniartullu ikinnerit ilaatigut periarfissanut annikinninngortitsissapput ilinniakkanut toqqagassanut tunngatillugu kiisalu ilinniakkat qaffasissusaat eqqarsaatigalugu, taamaalinikkut ilaatigut anguneqarsinnaavoq, Ilinniartut naammassinnereernermi kingorna saniatigut atuagarsornikkut ataasiakkaanut ingerlataqartariaqarnissaat. Ilinniartitsinermut tamanna tamakkiisumik isigalugu pitsaassutsikkut annikillitsissaaq. Tamanna pillugu Naalackersuisut massakkuugallartoq GUX Aasiaat Ilulissani immikkoortortaqalernissaanut periarfissatut isiginngilaat.

***Apeqput 4: Naalackersuisut pisamat soqutigintartunik allanik paasissutissiisinaappat?***

**Akissut:** Soqutiginarsinnaasumik pineqartumut saqqummiussassaqaanngilaq.

Inussiarnersumik inuulluaqqusillunga

  
Peter Olsen

Naalackersuisoq